

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Naalackersuisunit saqqummiunneqarpoq:

**Kalaallit Nunaanni eqqartuussisarnermik inatsisip allannguutaa pillugu (Pinerluttulerinermi suliani nassuiaatinik atuineq, timikkut misissuinnermut malittarisassanik allanngueq, Kalaallit Nunaanni Eqqartuussivimmi sulisunik aalajangersaaneq il.il.) Inatsisissatut siunnersuummut missingiut**

(Peqqisutsimut, Isumaginninnermut Inatsisinillu Atuutsitsinnermut Naalackersuisoq)

**Tunngavilersuineq**

Isumaginninnermut Inatsisinillu atuutsitsinnermut Naalackersuisup Kalaallit Nunaanni eqqartuussisarnermik inatsisip allanngortinneqarnera pillugu inatsisissatut siunnersuummut (pinerluttulerinermi suliani nassuiaatinik atuineq, timikkut misissuisarnermut malittarisassanik allanngueq, Kalaallit Nunaanni Eqqartuussivimmi atorfilinnik amerlassusiliineq il.il.) Justitsministeeriaqarfimmiit tigusiavaa.

Inatsisunik atuutsitsinnermut suliassaqarfimmi pitsaassutsip patajaallisarneqarnissaanut sulianut siunnersuut ilaavoq, taamaalilluni tamanna danskit pitsaassusaannut assigiissinneqarsinnaanngorniassamat.

Inatsisissatut siunnersuummi immikkoortut pingaernerit sisamaapput.

Eqqartuussivimmi nipinik immiussisinnaanerup periarfissaanissaa inatsisissatut siunnersuummi siullertut siunertaavoq. Taamaaliornikkut eqqartuussinermi aqutsinnermut eqqartuussinerullu ingerlanerintut pisinnaasanik pitsaannerusunik pilersitsisoqassaaq aammalu pinerluttulerinermi suliani, aqqissuussineq malillugu eqqartuussissuummi nassuiaanernik issuaaffiusariaqanngitsuni eqqartuussissutinik suliareqqiinnermi periuseq sulinerlu ajornannginnerulissalluni. Aammattaq aqqissuussinikkut nassuiaatinik nalunaarsueriaatsip piviusuunera, paatsuugassaanninnera isumannaatsuuneralu qulakkeerneqassapput.

Politiit pinerluttoqarsimaneranik paasiniaasarnerannut tunngatillugu periarfissaannik pitsanngorsaanissaq anguniarlugu kingusinnerusukku kinaassusersiiniarluni pasianiit dnamik tiguisarnermut tunngatillugu ullutsinnut naapertuunnerusunik malittarisassaqaalernissaat inatsisissatut siunnersuummi aappaattut siunertarineqarpoq, taamaattumik tamatuma ilaatigut Naalackersuisut kinguaassiutitigut atornerluineq akiorniarlugu periusissiaannut (2018-2022), Killiliisamik taaguuteqartumut atatillugu isigineqassaaq.

Kalaallit Nunaanni Eqqartuussivinni eqqartuussisumik allamik eqqartuussisunngortitsisoqarsinnaanissaata qulakkeerneqarnissaa inatsisissatut siunnersuummi pingajuattut siunertarineqarpoq, taamaalilluni sullissinerit sivikinnerulernissaasa anguniarnissaat periarfissaanerulissalluni, taamatuttaarlu Kalaallit Nunaanni Eqqartuussivinni eqqartuussisoqarfimmi eqqartuussisunik atorfinnullu qinnuteqartunik piginnaanngorsaanissamat suliniutit annertusarneqarsinnaassallutik. Taakkua saniatigut Nunatta Eqqartuussisuunearfiani aamma Kalaallit Nunaanni Eqqartuussivinni eqqartuussisunik utaqqiisaasumik toqqaanissamat periarfissat pitsanngorsarneqassapput.

Suliassanik isumaginninnerup tamarmiusup pitsanngorsarnissaa anguniarlugu aammalu KANUKOKA-p (Kalaallit Nunaanni Kommunit Kattuffiat) 31. juli 2018-imi atorunnaarsinneqarnerata kingunerisaanik siunnersuisoqatigiit aalajangiisartullu arlallit, matumani Kalaallit Nunaanni eqqartuussiveqarneq pillugu Siunnersuisoqatigiit katitigaanerisa iluarsaannissaat inatsisissatut siunnersuummi kingullertut siunertarinearpoq.

### **Naalackersuisut inatsisissatut siunnersuummut oqaaseqaataat**

Kalaallit Nunatsinni inatsisinik atuutsitsinermut suliassaqaarfiup qajannaatsuullunilu ingerlalluarnissaa pingaaruteqarluinnarpoq. Taamaammat ukiuni makkunani inatsisinik atuutsitsinermut suliassaqaarfimmi pitsaassutsit qaffassarnissaannut qularnaatsumik suliaqarnerput pitsaalluinnarpoq.

### **Pisortanut aningaasaqarnikkut allaffissornikkullu kingunerisassat**

Soqanngilaq

### **Aningaasaqarnikkut allaffissornikkullu namminersorlutik inuussutissarsiutilinnut kingunerisassat**

Soqanngilaq

### **Innuttaasunut aningaasaqarnikkut allaffissornikkullu kingunerisassat**

Soqanngilaq

### **Tusarniaaneq**

Justitsministeeriaqaarfiup tusarniaaneq isumagaa, tusarniaanermilu kalaallit oqartussaasui attuumassuteqartut peqataatinneqarsimapput. Isumaginninnermut Inatsisinillu Atuutsitsinermut Naalackersuisoqarfik missingiut kalaallinut soqutigisaqartunut tusarniutigeqqissimavaa. Justitsministeeriaqaarfiup tusarniaanerata 14. decemberimi aatsaat taamaatissimanera pissutigalugu tusarniaaqinneq sivikitsumik piffissalernerqarsimavoq.

### **Ilanngussat**

- Eqikkaaneq
- Inatsisissatut siunnersuut
- Tusarniaanermut nalunaarsuutit oqaaseqaasertalersukkat